

قازان يوردنده بولونش تاريخى برويشه

صاحب كراى خان يارليغى

عبدالله بطل

۱۹۲۰ سنهسى يازنده تاريخ معلمى سيد واحد افندى قازان يوردنده بر كويده مهم برتاريخى وثيقه (صاحب كراى خانك تارخانلىق يارليغى) بونشدى. ۱۹۲۵ سنهسى قازانده چيقمش اولان «تاتارستانى تبيع جمعيتك مخبرى» اسمنده كى روسجه مجموعه نك ۱-۲ صايلارنده يارليغك كاشفك بو وثيقه ده دائر مقاله سنى، وثيقه نك فوتوغرافى، روسجه وقازان لهجه سيلاه ترجمه سنى كوردك. بو يارليغه دائر سوز سويله مهن واونى تحليله كيريشمه دن اول عمومأ «يارليقر، نك ناصل وثيقلر اولديغنه دائر بيارچه معلومات ويره ميهى مناسب بولويوروز.

يارليقره عمومى بر نظر — «يارليغ، يارليق، يرليغ» امر، بو يوروق معناسنه كلديكى كى، امر و فرمانى احتوا ايدهن يازى يه ده اطلاق اولونور. «برغوزى» قصص الانبياسنده «يونس عهه مناجات قىلدى: الهى آلا رسوز منى قبول قىلما سانى قىلاين؟ يرليغ كىلدى: بلا يبار كا يمن» دنيلور، كه [۱] بوراده «يرليغ» البت «امر، فرمان» معناسنه در. «محمود الكاشغرى» ايسه، «يرليغ» كلمه سنى «حكمدار ك يازيسى و امرى» ديهه ايضاح ايدييور كه [۲]، كلمه نك هرايكى معناسى آ كلاتيور ديمكدر. كوروليووركه، بو، خالص تور كجه بر كله در. فقط عىنى معنائى افاده ايدهن و لفظأ بوكا مشابه اولان برسوز موغولجه ده ده واردر. جنكيز قاآنك قوردىغى بو بوك تورك موغول قاآنلغنده وصوكرالرى اوندن تشعب ايدهن اوردالر (دولتار) ددهه حكمدار ك بو يوروغى و فرمان يازيسى «يارليق» تسميه اولونوردى. بوندن ماعدا، خانلرك، اجنبى وردلرك حكمدار لرينه يازمش اولدقلى ديپلوماتيك يازيلرى ده «يارليق» تعبير اولونوردى. مثلاً «آلتون اوردا» خانى «توقتامش»، ليتوانيا - لهستان قرالى «ياغايلا» يه يازدىغى مکتوبى «يارليق» تعبير ايدييكى كى [۳]، صوكرالرى قريم

[۱] صحيفه ۳۲۲، قازان، ۱۸۹۹ سنهسى طبعى.

[۲] يرليغ: هو كتاب السلطان و امره بلغه جكل ولا تهرنه الغزبه (ديوان، جلد ۳، صحيفه ۳۱).

[۳] «ياغىسى اول بولغاي تيب آلتون نشانلق يارلق توتوق» دنيلور.

خانلرینک موسقوف، لیتوانیا - لهستان حکمدارلرینه یازدقلری مکتوبلری و مخبره لری ده « یارلیق » تسمیه اولونیور [۱].

یارلیقلرک بر نوعی « تارخانلیق یارلیقلری » درکه، خانلر، بوکی یارلیقلرایله ایسته دکلری آداملری « تارخان » ایدرلردی . تارخان : « ویرکیلردن و دولت خدمتلرندن معاف اولان آدم » دیمکدر. « ابوالغازی » یه کوره، تارخان ، کندیسندن هیچ برشی آلتنایان و حکمدار ( خان ) ک اوتاغنه سربستجه کیره و سربستجه چیقان کیمسه یه دینلردی که، بوکی آدامک دو قوز قباحتی عفا اولونور و اونک شو حوقوقی دو قوز نسله قادار توارثاً انتقال ایدردی [۲]. « رشیدالدین »، تارخانلغک وقتیه قادینلر ده باغشلانور اولدیغنی یازیور [۳]. تارخانلیق یالکیز شخصلره احسان ایدیلوب ، مؤسسهرده باغشلانیردی. مثلا « آلتون اوردان » خانلری روس کلیسا و ماناستیرلرینی مخصوص یارلیقلرایله « تارخان » ایتلشدر. « آلتون اوردان » تارخانلیق یارلیقلرندن یدی دانه سنک آنجاق روسجه ترجمه لری محافظه ایدیلشدر : منکو تیمور خانک روس متروپولدرینه ویردیکی ، ۲ ) اوزبک خانک متروپولید پترویه ویردیکی ( ۳ ) طایدولا خانونک متروپولید تیاغنوسته احسان ایتدیکی ، ۴ ) عینی خاتونک متروپولید آله کی یه باغشلادیکی ، ۵ ) بیردیپک خانک شو سوکونجی متروپولیده ویردیکی ، ۶ ) طایدولا خانونک متروپولید ایوانه باغشلادیکی ، ۷ ) نامعلوم برخانک متروپولید میخیله احسان ایتدیکی تارخانلیق یارلیقلری [۴].

« آلتون اوردان » دورندن، ۱۴ نجی عصر میلادینک صوکلرینه دوغرو یازیلش اولان اوچ تورکجه یارلیق محافظه ایدیله یلمشدر . بونلردن ایکسی تارخانلیق یارلیقلری اولوب، بری

[۱] « قریمغه دائر یازولر » مجموعه سی ، پترسبورغ ۱۸۶۴ ؛ ویلیامینوف - زهرنوف و حسین فیضخان نشری .

[۲] « ترخان ننگ » معنی سی بو تورورکیم اول کشیدین هیچ نرسه آلمغای لار ، هر قاچان خان ایشیکینه کلسه هیچ کشی منع قیلماغای : اوزی کیرکای و اوزی چیقغای . اگر کنه ایش قیلسه ، توقوزغه چه سورماغای لار ؛ آندن سونک تا یوقوز آرقا بولونجه شونداق بولغای ، سورماغای لار « ( شجره ترکی ، دهمه زون نشری ، صحیفه ۵۵ ) .

[۳] « بایدوخاتونرا ترخان کرده و گفته که راه یتماز، ترخان باشد » ( جامع التواریخ ، صحیفه ۲۸۳ ، پترسبورغ ۱۸۶۱ ) .

[۴] و. غیرغوریف : « روسیا و آسیا » مجموعه سنده کی « خان یارلیقلرینک » موثوقلغی « آدلی مقاله ( پترسبورغ ، ۱۸۷۹ ) .

۱۳۹۱ سنه سنده «توقتامش خان» طرفندن «بیک حاجی» اسملی ذاته، دیکری «تیمور قوتلوق» خان طرفندن ۱۳۹۷ سنه سنده «محمد» نامنده کی کیمسه یه احسان ایدیلشدر اوجنچی یارلیق ایسه «توقتامش» خانک ۱۳۹۲ سنه سی لهستان - لیتوانیا قرالی یاغایلا (یاغیللو) یه کونده ردیکی بر دینلوماتیک یازیدر. شو صوکنجیسی اویغور حروفاتی ایله، برنجیسی ساده عرب حروفاتی ایله، ایکنجیسی هم اویغور هم عرب حروفاتی ایله یازیلشدر. توقتامش خانک تارخانلیق یارلیغنک نسخه سی برقریمی امللا کدارک النده ایکن، تملک حقنی اثبات ایدن وثیقه اولمق اوزره، اوکونلرده «نووروسینق» و «به سارابیا» باتش والیدی اولان پرنس «میخایل وورونتسوف» ه تقدیم ایدیلش، صوکرالی ۱۸۴۴ سنه سنده اودده سالتاریخ و عتیقیات جمعیتنک مجموعه سنده تاش باصما ایله عیناً نشر اولونمش. اوزمان بویارلینی، روس خارجه نظارتنک «تاتاردیلی ترجمانی» (پارتسوف) روسجه یه ترجمه ایتمش، «غریغوریف» ایسه قیصه بر مقدمه و بعضی حاشیه لر یازمشدر. مشهور آله کساندر کاظم بیکک شا کردی قازان دارالفنوننک پروفیسوری «ایلیا بهر زین» بویارلینی ۱۸۵۱ سنه سنده قازانده نشر ایتش اولدینی «تارخانلیق یارلیقلری» عنوانلی اثرنده ترجمه و تحلیل ایتمشدر.

«تیمور قوتلوق» یارلینی ایسه ۱۸۱۳ سنه سنده آوستریا - ماجارستانک تورکبالدیچلیکی ترجمانی «فونرآب» طرفندن استانبولده اله کچریلوب، معروف مؤرخ «هاممر» ه کونده ریلشدی. مؤرخ، کندیسسی اویغور و چغتای دیللینی قاورایامادیغندن، بویارلینی ایضاح ایتک ایچون قازان دارالفنوننک آلمان پروفیسوری مستشرق «فرن» دن یاردیم ایسته ش. بهریکیسی ده کندیسنک معاونی و دوستی اولان، عینی دارالفنوننک تورک دیلی معلمی ابراهیم افندی خلفه اوغلنه مراجعت ایتمش. بو ذات یارلیقده کی بعضی سوزلری ایضاح ایدرک لاتینجه نوظلر یازمش و «هاممر» ه کونده رتمش. اشته خلفه اوغلنک شو نوظلری یاردیمیله، «هاممر»، یارلینی یاریم - یامالاق آلمانجه یه ترجمه ایله ش؛ وشو ترجمه یی، یارلیغک اویغورجه حرفلری ایله یازیلاننک عیناً قوییه (facsimile) سنی، عرب حروفاتی ایله یازیلاننک طباعت حرفلری ایله دیزدیریلن نسخه سنی و ابراهیم خلفه اوغلنک نوظلرینی ۱۸۱۸ سنه سنده ویانده انتشار ایدن Fundgruben des Orients مجموعه سنک ۶ نجی جلدنده نشر ایتدیرمشدر. «ا. بهر زین»، مذکور «تارخانلیق یارلیقلری» نامنده کی اثرنده بویارلینی ده ترجمه و تحلیل ایتمشدر. مستشرق «آرمین وامبهری» ده، بویارلیغک هم اویغور هم عرب حروفاتی

ايله يازيلان متنلرني آري آري تئيت ايله يوب آلمانجه يه ترجمه ايتمشدر [۱]. «رادولوف» ايسه عيني يارليني «روس عتيقيات جمعيتك شرق قسمك يازيلرى» مجموعە سنك ۳ نجى جلدنده [۲] تحليل و ترجمه ايدەرك يارليغك عينا قوپيه (facsimile) سنى نشر ايتمشدر . بو يارليغه دائر اك صوك علمى يازى ، آ . سامويلوويچك ۱۹۱۸ سنهسى پترسبورغده نشر ايدلن «آسيا مجموعەسى» Asiatski sbornik نده نشر ايتمش اولديغى (صحيفه ۸۸۸ - ۱۱۳۴) «تيمور قوتلوق يازليغنه براقچ تصحيح» سبرلوحهالى مقالهسى اولسه كر كدر . مقاله صناجى اوراده براقچ كلملره مهم تصحيحلر ياپسوار؛ و يارليغك هيچده اوريزينال برشى اولايوب، قوپيه ، حتى بوزوق بر قوپيه اولديغى ، اونك استانبولده اويغور - چغتاي ادبياتيه مراق اوبانان ۱۵ و ۱۶ نجى ميلادى عصرلرده يازيلديغى ادعا ايديور .

توقتامشك قرال «ياغايلا» يه يازمش اولديغى يارليني ، روس خارجه نظارتك موسقووا باش اوراق خزينه سنده بولونان ۱۸۵۰ سنهسى قازانده پرنس «م . اوبوله نسكى» طرفندن نشر اولومش «آلتون اورداخانى توقتامشك لهستان قرالى ياغايلا يه يازديغى يارليني» عنوانى بورسالده بو يارليغك Facsimile ي (عينا قوپيهسى) موجود اولديغى كى ، «آ . كاظم بك» طرفندن يازيلان روسجه ترجمهسى و «ا . بهرەزىن» ايله بوريات قومنه منسوب «چورجى باتزاروف» طرفندن ياپيلمش اولان تحليلده درج اولومشدر . ايشته «و . رادولوف» بو يارليني «روس عتيقيات جمعيتك شرق قسمك يازيلرى» مجموعە سنك ۳ نجى جلدنده تحليل و ترجمه ايديور .

بو يارليغرلك يازيلديغى لسانه كلنجه ، بو خصوصده تبعجيلرك فكري مختلفدر . «ا . بهرەزىن» اونرك اويغور لهجه سيله يازيلديغى ايله رى سوروبور [۳] . «وامبەرىن» ايسه تيمور قوتلوق يارليغى يكي اويغور لهجهسى يادكارلرندن ضايور [۴] . «و . رادولوف» ايسه بو يارليغرلك «چغتاي ديلي» ناميله معروف صنعى برادبى ديل ايله يازيلديغى و بوصنى ديلك اساسى اويغور ادبى ديل اولديغندن ، يارليغرلرده طبعينه اويغور كله وشكللرى بولونديغى

[۱] Uigurische sprachmonument . Insbruck . 172-173

[۲] ۱۸۸۸

[۳] تاريخانلىق يارليغرلى ، صحيفه ۱ ، توقتامش يازليني ، صحيفه ۴۵ ، قازان ، ۱۸۵۰ .

[۴] Uigurische sprachmonument . 172

ادعا ايدىيور [۱]. كه، اصل دوغروسى ده بودر. فى الواقع بويارليقلر مخلوط برلسان ايله يازيلمشدر كه، بز او ندرده هم او يغور هم اورتا آسيا لهجه لرينك و قسماً ده عرب و فرس ديبلرينك تاثيرى كورويورز .

بويارليقلر فيلولوژى جهتندن غايت بويوك اهميتى حائز اولدقلى كى، «آلتون اوردا» ( قيقاق ) دولتك سياسى و اقتصادى حياتى ( داخلى قورولوشى ) اوكره نمك ايچون ده پك قيمتدار وثيقه لدرر . «ا. بهرزهين» و «غ. صابلو قوف» بويارليقلر ما استناداً آلتون اوردانك سياسى و اقتصادى قورولوشنه دائر خايلى مهم تدقيقلر يازمشلدر [۲].

قرىم خانلردن بردانه تارخانلىق يارلىنى صاقلامشدر كه، او ده، ۱۵۲۳ ميلادى يىلده «سعادت كراى خان» طرفندن بر قاچ كيشى نى تارخان ايتك خصوصنده ويريلش يارليقلر . بويارليق ده، قريمه ده، توقامش يارلىنى كشف اولونان هنكამده بولونمىس وعينى «او ده ساه تارىخ و عتيقات جمعيتى مجموعه سنده طبع اولومشدر . قريم خانلىق دورندن قابله باشقه يارليقلر كه هپسى ديپلوماتىك يازيلدرر، كه بونلر ك موسقوف چارلىرى ايله لهستان قراللىرى يازيلانلرى قازانلى «حسين فيضخان» افندى ايله روس مؤرخى «ويليامينوف-زه رنوف» همتهله استنساخ و ترتيب ايديلهرك، « قريمه دائر يازولر » عنوانيله ۱۸۶۴ سنه سى پترسبورغ علوم آفاده ميسى طرفندن نشر اولومشدر . ۸۹۸ صحيفه لك بويوك حجملى بو اثر ده جمعا ۳۷۸ يارلىق درج اولومشدر . قريم يارليقلرى، طبيعى، استناسر، غرب حرفلىرى ايله يازمشلدرلر . سعادت كراى خان تارخانلىق يارلىنى، تيمور قوتلوق يارلىنى طرزنده يازيلش، و دىلى ده، ۱۶ نجى عصر ميلادى نىك رىجى رىبى صوكلرينه دوغرو يازماسنه رعماً، تيمور قوتلوق و توقامش يارليقلرينك ديلنه چوق بكنزييور . فقط بز او يارليقده اوته كيلرده بولونمايان، « قولش »، « قولقا »، « بسنج »، « توفنكجى » كى يكي سوزلره تصادف ايديورز . « قريمه دائر يازولر » ده مندرج ديپلوماتىك يارليقلر ك اسكيسى ۹۲۶ هجرى ( ۱۵۱۹ ميلادى ) ده «محمد كراى خان» طرفندن لهستان قرالنه يازيلش بر « شرطنامه » در . بونك ده لسانى « حقتايجه » در . بوندن صوكرا كى يارليقلر ك لساننده، بز، كيتدكجه، محلى قريم ديلنك

[۱] عينى مجموعه، صحيفه ۱۱ - ۲ .

[۲] ۱ . بهرزهين : يارليقلره كوره آلتون اوردانك داخلى قورولوشى، پترسبورغ، ۱۸۵۰ . غ . صابلو قوف : قيقاق پادشاهلنك داخلى وضعيتى تصوير ( قازان دارالتقونى ياننده كى تارىخ و عتيقات جمعيتى خبرلى، جلد ۱۳ ) .

و « عثمانلی » رسمی لساننک تأثیرینی کوروپورز . قازانلی مؤرخ «ع . عزیز» بک، قریم دیپلوماتیک یارلیقلارندن بحث ایدرکن ، بو یارلیقلرک لسانلرنده قازان تورکجهسنه مشابہت اولدیغنی قید ایتدکن صوکرآ : « بلکه موسقوواده دیلناجر قازان تورکاری اولدیغیچون شیوله یازمشاردر » دییه تخمین ایدیور [۱] . بو تخمینه کوره قریمده کی باقشی وبتیکجیلر (کاتبوباش کاتب) کده قازانلیلردن اولماسی اقتضا ایدیور . بکا قالیرسه ، قریم یارلیقلری دینلنک قازان تورکجهسنه بکزه مہسی، او یارلیقلرک محلی قریم شیوه سیله یازیلہ سندن ایلہری کلیور . حتی بوکون بیله قریمی چول تورکنک لهجهسی قازان لهجهسنه نه قادر بکزمہ ! دیمک ایستیورم کہ ، ایلك قریم یارلیقلری صنعی رسمی دیل اولان « چغتایچه » ایلہ یازلدینی چالده ، صوکراری او « طمطراقلی » لسان صحنه دن چکیلہرک، اونک یرینی ، قوتی جانلی خلق دینلندن آلان و برآزده عثمانلی رسمی لسانی تأثیرینه معروض اولان یکی بر رسمی تحریر دیلی طوتمشدر .

صاحب کرای ضامہ یارلیغی . — «صاحب کرای»، قریم خانلغنک قوریجیسی اولان «حاجی کرای» کطورونی و «مینکلی کرای» ک اوغلیدر . ۱۵۳۱ سنہ سنده قازان وطنپرورلری، موسقوف تہدیدى مواجهہ سنده قریمہ مراجعت ایدہرک خان ایستہ مشاردی . بوندن مقصد، قاردهش قریم یوردی ایلہ صیتی باغلانمق و بو واسطہ ایلہ اونک آرقاسنده طوران شوکتلی تورکیا ایمراطورلغنک حمایہسی آلتنه کیرمک ایدی . اوکونلرده قریم خانى اولان «محمد کرای»، قارداشی «صاحب کری» ی قازانہ کوندردی و بہریکیسی ۱۵۲۱ سنہ سنک ایلك بہارنده اوچ یوز کیشیک قریم عسکری فرقه سیله قازانہ کلہرک، موسقوف یارداجیسی «شاه علی» بی قوغوب تحتہ چیقدی . «صاحب کرای» قازان تحتہ چیقار چیقماز ، موسقوفی ازمک مقصدیلہ اوکا قارشی ہم قریم ، ہم قازان طرفندن حرب آچیلمشدی .

بو حرب، موسقوف چاری اوچنجی واسیلک فجیع صورتده مغلوبیتی ایلہ بیتمشدی . ۱۵۲۳ سنہ سنده «محمد کرای خان» آسترخانده اولدیلمشدی . ۱۵۲۳ سنہ سنده موسقوف چاری قازانہ قارشی انتقام حربینه حاضر لانتمایہ باشلادی . بو حربک عرفہ سنده ، یعنی ۱۵۲۴ سنہ سی ایلك بہارنده ، «صاحب کرای» قریم دن برادری «فتح کرای» ک ۱۳ یاشنده اوغلی «صفا کرای» ی قازان خانلغنه کتیرہرک، کندیمی قریمہ و اورادن استانبولہ «سلطان سلیمان قانونی» حضورینه

[۱] تاتار ادبیاتی تاریخی ، ۱ نجی جلد ، ۲ نجی بولک ، صحیفہ ۷۲ ، قازان .

کیتمشدر؛ اوراده اوطورارق، خونکارک حسن توجهنی قازانمش و برادری «سعادت کرای» دن سوکرا ۱۵۳۲ سنه سنده قریم خانلغنه تعین اولونمشدر، که اوراده ۱۵۵۱ سنه سنه قدار حکومت سورمشدر. اونک قازانده کی پادشاهلق مدتی ایسه اوچ سنه اولمشدر.

قازان خانلردن قالما یارلیقلر صوک زمانلره قدار کشف اولونماشدی. یالکز، مؤرخ «هادی آطالاسی» افندی، کندیسنتک «قازان خانلغی» آدلی کتابنده صاحب کرای خانک قازانده ایکن چیقاردیغی بریارلیغنک بر قسمنی نشر ایتمشدی. شیمدی قازانلی تاریخ معلمی «سید واحد» افندی بویارلیغک اصل نسخهنی (اوریزینالنی) بولمشدر. سیدافندی بویارلیغی ناصل بولدیغی بویله حکایت ایدیور:

۱۹۱۱ سنه سنده بن قازان ولایتی «چار» اویه زی «-انجانی» دائره سنده بولونان «اورازلی» کویته معلم اولارق تعین ایدیشدم. اوراده ایکن ساده جه تعلیم ایله اکتفا ایتمه یوب اسکیدن قالما تاریخی یادکارلر و اثرلر آراشدیرمقله اشتغال ایدیوردم. کونلرده برکون «اورازلی» کویته سیار ترزیلر کلدیله. اولردن اسماعیل اسملی بریسی بنم یاغمه صحبت ایتمک ایچون کیره شدی. بن فرصتی غنیمت بیلرک اولدن قبر طاشلرینه و یازمه اثرلره دائر معلومات صوروشدورمایه باشلادم. چونکه اولنر ناحیه دن ناحیه به، کویدن کویه طولاشوب طوروبورلردی. بوتوزی بکا «مامادش» سانجاغنده کی «مامالای» کوینده بر آدامک آئنده اسکی بزیاومه کاغد بولوندیغی و بوتون کویلیلر تزدنده اونک «الهی برکاغد» صایلیدیغی خبر وردی. قازانه دوندکدن سوکرا بن «مامادش» سانجاغنده اوطورومش اولان بیلدکلرمدن بوکا دائر استخباراتده بولوندم. اولنلرده اوراده فی الواقع برکویلینک آئنده غایت اسکی اولماسی تخمین ایدیلن برکاغدک بولوندیغی سویله دیله. بن «مامالای» کویته کیدوب کاغدی بالذات کورمه به قرار ویردم.

«الهی کاغد» ک صاحبی ایله معارفه پیدا ایتمک ایچون اپی وقت صرف ایدلدی؛ سوکرا اونک کاغدی نه درحال کورمه مدم. کاغدنک صاحبی رحمة الله احر اوغلی ایدی. او، بنم قازانندن مخصوص اونک کاغدی نی کورمک مقصدیله کلدیکی دو بونجه، کاغدی نک فوق العاده قیمتی اولدیغی، باباسی، وفات ایدرکن، اونی پک دقت ایله محافظه ایلمه یی توصیه ایتمدیکی آکلاتیور و بو قیمتدار کاغد سایه سنده اونک بر زمان حکومتدن طوبراق چیفتلک و مهم منصب بیله آلابیله جکنی ادعا ایدیوردی. زحمتلریمک بوشه کیده جکنی کورونجه، مسئله به باشقه طرفدن یاناشایه قرار ویردم. کویک امامنه کیدرک مسئله بی آچیقندن آچیغه آکلاتدم. امام بکا یاردیم کوسته ره جکنی سویله دی و درحال احر اوغلنه آدام کوندروب کاغدی موقه ویرمه سنی رجا ایتدی. رحمة الله کاغدنک بکا کوسته رمک ایچون ایسته نیلدیکنی بیلیمه رک اونی ویروب کوندرمشدی. کاغدی اوقویونجه اونک «الهی کاغد» اولمایوب، اسکی و تاریخی برویقه (قازان خانی صاحب کرایک یارلیغی) اولدیغی آکلادم. اوزمان بو وثیقه بی استنساخ ایتمک ایسته دم ایسه ده، صاحبنک مساعده سنی آلتسزین بوایشی یاغما به وجدانمراضی اولمادی. اوزبش دقیقه سوکرا وثیقه بی صاحبنه اعاده ایتمک. سوکرالی امام وانسطه سیله «خسته لری تداوی ایتمک» مقصدیله بن وثیقه بی استنساخ ایتمه به موفق اولدم و قازانه کتیردم. برمدت سوکرا بن «مامالای» کویته

داها بردفمه كیدهرك وثيقه يې صائين آلتى ايسته دم ايسه ه صاحبنى اقتاع ايدمه دم . بر مدت زمان كنججه رحمت الله آغا كاغدىنى صامايه موافت ايدم جكنى بكا بيلدېرمش ايسه ده ، باشقه مانعهلر چيقدى . ايش سورونجه ده قالدى . حرب عمومى باشلادى ، بنده عسكره آلتدم ، قازانه آنجاق ۱۹۱۸ سنه سى عودت ايدم بيلدم وفاصله يه اوغرامش يارلىق مسئله سنى يكي دن قورجالامايه باشلادم . نهايت ، لزومى قادار باره يې بولونجه ( ماملای ) كويته كیدهرك ۱۹۲۰ سنه سنك ۲۰ خن يراننده صاحب كراى خان يارلىغك اصل نسخه سنى الده ايمه يه موفق اولدم .

**يارلىغى تصوير** — يارلىغك كاشفى سيد واحد افندى يارلىغى بويله تصوير ايدىور :

يارلىغك كاغدى او كجه پرداختلى اولمشكن مرور زمانه اسكىمش ، پرداختى غايب ايدمرك صارامشدر . كوئشه طوتوب باقيليركن كاغده چيركى وياخود سائر علامتلر كوزوكيمور . كاغده اوست طرفندن ييرنوب ييرتيلمش وآلت طرفندن مقاص - فلان كى بر كسكن آلت ايله كىلمش . اوست طرفندن ييرتيلوب غايب اولان قسمنده توقتامش وسائر خانلرك يارلىقلىغك باشنده يازلمش اولان سوزلر كى عبارهلر يازلمش اولديغى وبوكا كوره ، اوست طرفندن آيريلان كاغدىك اوزونلغى اون سائتمتره دن فضله اولمادىغى ظن ايدلير . آلت طرفندن كسيلن قسمكده اهميتىز اولمى اقتضا ايدر . هر حالده كاغدىك ايلك اولكى طولى آچيقجه بللى دكلدر . المзде بولونان يارلىق كاغدىنك بويى ۷۶،۵ سانتيمتره ، اكى ۱۸ - اتيمتره دن عبارتدر .

بويارلىق ، آكلاشيلان ايكى تورلو مركب ايله يازلمشدر . اوست طرفنه بولونان وشيمدى غايب اولان عرجه دعا سوزلرى آلتون صوبى ايله ، يارلىغك اصل متنى اولان ۲۵ سطر قارا مركب ايله يازلمشدر ، كه بومركب چين مركبى آكدير . يارلىغك قالين بر آلت ، مثلاً قالمش قم ايله يازلمش اولديغى آكلاشيلور . مهورك بوياسى ايسه سولوكن ياخود colcotar رنگينده كى قيميزى بويادق .

**يارلىغك متنى ( سطرى سطرينه ) :**

( السلطان الغازى ) صاحب كراى ( سوزم )

وآمرا وحكام وسيدات عظام وقضات اسلام  
وموالى ذوى الاحترام وارياب وكلاتان ومقمان وايبلجيان وباغجيان [ ۱ ]  
وكشتى بانان وكذربانان وتوتقا اولان وتمغاجيان وجههور سكنه وعموم  
ولايات غزان وممالك محروسه تحت عن يلاقات والبلديات لارغه بونشان  
يتكهچ سوز اوليكم بومحمد اوغلى شيخ احمد / داغى سيد احمد و

انى محمدنك اوغلى موسى

سيد اوغلى يعقوب ۷ بويدى كيم ايرسا بز كاكليب باش اوردى لار  
اول خان آغالار يزدان ترخان بولغان كشى لار ايكاندر بزداغى سيورغاب  
بومد كور كيم ايرسه لارنى تنكرى تعالى رضابى وتقى محمد رسول الله شفاعتى اوچون  
تارخان قيلم من بعد بومشاراليم لارغه [ ۲ ] يولاريندا وازلاريندا

[ ۱ ] « باغشيان » اولمى ده احتمالدر . ايله ريده « يارلىغى تحليل » ه باقكن .

[ ۲ ] سيد افندى « مشاراليم » اوقويور .



سفرلاریندا و حضرلاریندا اولتورغانلاریندا وتورغانلاریندا کشی لارینه  
 وقرالارینه یوکلارینه وچارالارینه فردمن یلاقات ووجه من الوجوه  
 دخل وتقارض قلماسون لاریساق قلان سالیغ مندی سالماسون لار قولوش  
 قلتقه باج وخرج قراجات دیب تیلاماسونلار مال والماک لارینه آق وآب زمین لارینه  
 دست تطاول قیلماسونلار اوی لارینه کوچ بله ایلیچی قوناق قوندرماسونلار  
 صله خرجی یرخبله سی توتون سانی دیب الماسونلار سوسون علوفه تیلاماسونلار  
 قایوما یاندىن نقصان ضرر تیکورماسونلار اوز فراغتی بله اولتوروب  
 شام وصباح وغدو رواج بزکا و بزیک اورغیمزغه دعا والتیش  
 قیلسونلار وهرنوع دین کوچ بسنج زحمت نیچوغ تیکورماسونلار بسا  
 بولایوتیو تورغاچ یرلیغ تینکلامای کوچ بسنج زحمت نیچوغ تیکورکان کشی لارینیک  
 اوزلارینهنی ییغیشی سی بولغان دیب آل نشان لیغ یرلیغ بریلدی  
 تاریخ توقوز یوز یکرمی توقوزده موباراک سفر آخینیک اون اوچونجی کون  
 اوردی .

بویارلیغک نشاننده (مهرنده) شوسوزلر یازیلیدر :

بسم الله الرحمن الرحيم لا اله الا الله محمد رسول الله  
 السلطان الاعظم عز الدنيا والدين ابوالمظهر صاحب  
 کرای بهادر خان خلدالله ملکه واید سلطنته

بویارلیغک ماهیتی واهمیتی — قازانلی مؤرخ «ع. عزیز» بکک بویارلیق ایچون:  
 «قازان یوردنده بولونماسنه رغماً، اونک قازان خانلقنه عائد اولماسنده اشتباه ایتمه یه یر واردره.  
 چونکه اونده قازان اولوسی حقتنده هیچ بر سوز یوقدر» [۱] دیمه سنی آکلایامادق.  
 زیرا یارلیقده کی «وعموم ولایات غزان» عباره سنده کی «قزان» (قازان) کلمه سنک کویا:  
 عربجه له شدیریلش برشکلندن باشقه برشی اولمادیغ، آشکاردر «عزیز» بک دیگر بر اثرنده:  
 «نهایت قازانده برایشله نمش ادبی و تحریری اسلوبه مالک لسانک بولوندیغنی کویسته رهن صاحب  
 کرای خان زمانندن قاله یارلیق واردر» [۲] دیدیکندن، اخیرا اوتنه کی فکرندن دونمش  
 اولاجا قدر. هر حالده یارلیغک قازان یوردنده ویرلمه سنده اشتباه ایتمه یه محل یوقدر. بوکا  
 اونک تاریخی ده مساعدر. ۹۴۹ هجری ییل ۱۵۲۲ میلادی ییله مصادفدر، که اوتاریخده  
 «صاحب کرای» قریمده دکل قازانده خانلق ایدیوردی. بویارلیق تاریخانلیق یارلقلری  
 جمله سنندن اولوب اونکله ۶-۷ کشی تاریخان و سیورغال ایدییشدر. بویارلیق مذکور

[۱] تاتار ادبیاتی تاریخی، برنجی جلد، ایکنجی بولک، صیفه ۷۳.

[۲] تاتار تاریخی، صیفه ۷۲، قازان ۱۹۲۴.

«سعادت کرای» یارلیغندن آنجاق برسنه مقدم ویریلشدر و بو ایکی یارلیق بعضی جهتلردن بربرینه مشابهدرلر. مثلاً «قولوش»، «قولنقا»، «بسنج» کلهلری آنجاق بو ایکی یارلیقده ذکر ایدلمکده درلر. فقط بزم یارلیغمز لغت و غرامه ر جهتندن سائر یارلیقلرک هپسندن آقیری بر موقع طوتمقده در. بز بونده پک قوتلی عربی و فارسی تأثیرینی، تورکجه سوزلرک جمعلینی فارسی دیلی قواعدینه اویدوروب یایمق کبی غرابلرده کورویورز. عینی زمانده باشقه یارلیقلرده کی املا اطرادسزلنی و عربجه سوزلری مرحمتسزجه تحریف، بزم یارلیقده یر بولشدر.

بو یارلیغک دیل جهتندن عظیم قیمتی اولدیغی کبی، قازان خانلغک سیاسی، اجتماعی و اقتصادی حیاتی اوکره نمک ایچونده اونک بویوک اهمیتی واردر. روس مؤرخ «م. خوده قوف» قازانده ۱۹۲۳ سنه سنده انتشار ایدن «قازان خانلغی تاریخنه عائد طاسلاقلر» نامنده کی اثرنده قازان خانلغنده کی مأموریت و منصبلری و ویرکی سیستمینی تدقیق و تعیین ایدرکن، موضوع بحث اولان یارلیقدن ایچجه فائده لاشدر [۱].

بو وثیقه شیمدیلق لسان جهتندن همان هیچ تدقیق اولونمامشدر [۲]. حالبوکه، او، میدانه حیقار چیقماز تحریفله معروض قالمشدر. مثلاً بو یارلیغک «ع. عزیز» بکک قازانده ۱۹۲۴ سنه سنده انتشار ایدن «تاتار تاریخی» آدی اثرنده مندرج اولان متنی ایله بزم شو مقاله یی یازارکن اساس اتخاذا ایتدی کمز «تاتارستانی تتبع جمعیتک مخبری» نده «درج اولونان متنی آراسنده، عظیم آقیریلق واردر. بوراده شو آقیریلغی کوسته رهن برجدول عرض ایدیورز:

|                     |                      |
|---------------------|----------------------|
| ع . عزیز کتانبنده : | س . واصل مقاله سننده |
| وسیدالمظام          | وسدات عظام           |
| وقضات الاسلام       | وقضات اسلام          |
| وسرالی زولا احترام  | وموالی ذویلا احترام  |
| وکلان               | وکلانان              |
| وکشت بابان          | وکشتی بانان          |
| وکر بانان           | وکر بانان            |

[۱] ۲۰۲-۲۰۵ صحیفه لر .

[۲] ع . عزیز، تاتار ادبیاتی تاریخی، برنجی جلد، ایکنجی بولک، صحیفه ۷۲ .

|                                |                               |
|--------------------------------|-------------------------------|
| وتوقادلان                      | وتوقادلان                     |
| حمت                            | حکمت                          |
| عن یلا فات                     | عن الآفات                     |
| بتکهج                          | بتکهج                         |
| بولانس داغی                    | بولاسوداغی                    |
| نورسید                         | اول سید                       |
| باش اوردیلار                   | باشن اوردیلار                 |
| بزداغی                         | برداغی                        |
| ایرسه لارنی                    | تیرسالارنی                    |
| یوللاریندا وایزلاریندا         | یوللاریندا اوتورغان لاریندا   |
| اوتورغانلاریندا وتورغانلاریندا | اوتورغانلارینده تورغانلاریندا |
| وجاروالارینه                   | وجارولارینه                   |
| وتقارض                         | وتعارض                        |
| قلته                           | قلته                          |
| واملاک لارینه                  | دیب دیب سیلاماسونلار          |
| تطاول                          | تفادل                         |
| اوی لارینه                     | اوی لارینه                    |
| کوج بله                        | کوج بیله                      |
| یرخبله سی                      | تیرخبله سی                    |
| سونون                          | سولسون                        |
| بسا بولایو                     | پسیخ (۱)                      |
| سج                             | سابولایو                      |
| یخشی سی                        | سیخ                           |
| ربلدی                          | یخشی سی                       |
|                                | بولدی                         |

بن آشاغیده مندرج تحلیلده بویارلینی اولجه تورکجه اصلری ایله معلوم اولان ولایقیله تدقیق ایدیلن اوچ تاریخانلیق یارلینی (تیمور قوتلوق، توقتامش وسعادت کرای یارلیقلری) ایله مقایسه ایلهدم و بعضی کله و تعبیرلری ایضاح ایتمه به چالشم. «تحلیل» ده «توقتامش یارلینی» دییه مطلق ذکر ایدیلدکده، او خانک «بیگ حاجی» به ویرمش اولدینی تاریخانلیق

[۱] ع . عزیز بک بولکله بی کرک بو اثرنده کرک «تاتار ادبیاتی تاریخی» نده ( برنجی جلد ، ایکینجی بولک ، صحیفه ۷۳ ) نهدندر هپ «پسیخ» شکلنده یازور . حالبوکه اونی نه «ا . بهرزین» (تاریخانلیق یارلیقلری صحیفه ۱۹ ، ۲۰ ، ۵۴) ، نده «سیدواحد» افندی بویه اوقومیورلر .

يارلىغى مراد اولونيور. اونك «قرال ياغايللا» يە يازدىغى يارلىغى ذكرا ايمك ايجاب ايتدكده، بو، آريجه تصریح اولونا جاقدر.

### يارلىغك تحلیلی

«غازى صاحب كراى»: يارلىغك اوست طرفى پیرانوب يیرتیلدیغندن، ايلك سطرک يالکیز شو اوچ کلهسى صاقلانمش، حتى «غازى» کلهسنك الفى (ا) ده كوزوكميور. صاحب كرايك، يارلىغك آلتندهكى «آل نشان» (مهر) ده كندىسى «السلطان» عنوانیه توسيم ايتمه سندن استدلال ايدهرک، سيد واحد افندى، «غازى» سوزينك صاغ طرفنده «السلطان» کلهسنك بولونمش اولدیغى تخمین ايتدیكى كى، «صاحب كراى» اسمندن صوكر ا برده «سوزم» کلهسنك بولوندىغنه ذاهب اولويوز. چونكه، دييور، سائر يارلىقارک همان هپسندە خانك آدىنى «سوزم» کلهسى تعقيب ايديور. مثلاً، «توقتامش سوزم» «تيور قولوق سوزم»؛ حتى آنجاك روسجه ترجمه لرى محافظه ايدلش اولان اسسكى «آلتون اوردان» يارلىقارنده ده «اوزبك سوزم»، «طايدولا سوزم»، «بىردى بك سوزم» معناسنه كان «Asbekovo slovo»، «Taidulino slovo»، «Berdebe kovo slovo» كى روسجه سوزلر موجوددر. بجه سيد افندى بو تخمینلرندە تماماً اصابت ايتشدر. شو «سوزم» کلهسنك، خان يارلىقارينك لادمنه برعنصرى اولدیغى ايجوندر، كه پروفوسور «ا. بهرەزىن»، قريم خانى سعادت كرايك باش طرفى ييرتلوب غايب اولان قسمنده مطلقاً «سعادت كراى سوزم» عبارەسنك بولوندىغى پك حقى اولارق ادعا ايدىيور [۱].

وامرا (امرا): بو سوز، سائر يارلىقارنده كى «بيكلار» (بكلر) کلهسى يرينه قوللانيلمشدر. ذاتاً مختلف تورک دولتلرندە «امير» ايله «بيك» (بك) کله لرى همان همان عینى معنالرده قوللانيلمشدرلر. بعضاً عربجه «امير» ى تورکجه يه چه ويره رهك «بيك» ديمشدر و بعضاً «قبا» تورکجه دن صاقينمق ايجون «بيك» ى «امير» ه چه ويرر اولمشدر. «بكلر بىكى» ده «اميرالامرا» ديمکدر. لازار بوداغوف هم «امير» هم «بيك» کلهسىنى

[۱] «توقتامش، تيور قولوق وسعادت كرايك تارخانلىق يارلىقلىرى» اسملى اثرى، صحيفه ۱۶،

روسجه « قناز » سوزیله ترجمه ایدیور [۱]. « قناز » سوزی « اصیلزاده » ، « آمر » ، « باشبه غ » ، « دره بکی » معنارینه کلدیکی کبی ، « امیر » و « بیگ » سوزلری ده اسکیدن عینی معناری حامل اولشدر . بزم یارلیغک « امرا » ( امیرک جمعی ) کله سنک معادلی اولان « بیکر » تیمور قوتلوق ، توقتامیش وسعادت کرای یارلیقلارنده مأموریت ومنصببری برآز تفصیل ایله قید ایدیلشدر . برنجیسنده « مک ، یوز ، اون بکلاری فا » ، ایکنجیسنده « داروغا بکلاریکا » ، اوچنجیسنده « تومان ، بیگ ، یوز ، اون بیلکان اوغلانلار ، بیکلاریکا » دنیلمکده در .

وسطام : « حاکم » ک جمعیدر . امیر-بیکلردن آشاغی پایهده اولان یوکسهک مأمورلر مراد اولاجاق . بو سوز مثلاً سائر یارلیقلرده کی « داروغالر » سوزینه مقابل اولابیلیر . داروغالر اصل تورک - موغول یوردلرنده زمانمزک والیرلی قیلندن مأمورلر ایدیلرکه ، وظیفه لری ده از جمله اهلینک استاتیسیتی آلق وسالوق ( ویرکو ) طوپلامق ایدی [۲]. بو حالد « حکام » ک مفادی « داروغالر » ( والیر ) اولور . ایرانده بوکونه قادر « حکمران » سوزی ، باش والیرله وعادی والیرله اطلاق اولونیور [۳].

رسادات عظام ( یارلیقده غلط اولاراق « سادات » یازیلش ) : « سید » کله سنک جمعیدر ، که « سید » عنوانی قازان یوردنده یوکسهک دینی منصب صاحبارینه اطلاق اولونیوردی . بو عنوان نه آتون اورداده ونه قریمده بولونمادیغندن ، بزاکا سائر یارلیقلرده تصادف ایتیمورز . بوراده « سادات » ک جمع صیغه سیله قوللانیلماسی کوسته ریور ، که قازان یوردنده عینی زمانده برقاچ « سید » بولونمشدر . تاریخی م . « خوده قوف » ده بو فکره مائلدر [۴].

رفضات اسرام : بومعنائی افاده ایدن تعبیرلر « تیمور قوتلوق » یارلیغنده « قاضی مقفی لاری فا » ، توقتامیش یارلیغنده « قاضی محتسب لاریکا » ، سعادت کرای یارلیغنده « وقاضی محتسب لاریکا » طرزنده مذکوردر .

رموالی نوری الامترام ( یارلیقده یا کلیش اولارق « ذویلا احترام » صورتنده یازیلشدر ) :

[۱] تورک لهجه لری نیک مقایسه لی لغتی ، پترسبورغ ۱۸۶۹ .

[۲] ا . بهره زین ، تارخانلیق یارلیقلری ، صحیفه ۴۵ .

[۳] ل . بوداغوفک مقایسه لی لغتی .

[۴] قازان تاریخنه عائد طاسلاقلر ، قازان ۱۹۲۳ . صحیفه ۱۸۹ .

بوندن مراد ، قازان یوردنده متنوع عنوانلر طاشیان روحانیلر ، ملالر اولسه کرک. ذاتاً « مولی » ، « مولانا » کلمه لری دین آداملرینه اطلاق اولونوردی . قازان مملکتنده شیخ ، ملا ( مولا ) ، امام ، درویش ، حاجی ، حافظ ( آبر ) ، دانشمند ، شیخزاده ، ملازاده عنوانلریخی حامل اولان دین آداملرینک بولوندیغنی زروس وقائنامهلرندن اوکره نیورز [۱].

بونوع روحانیلری تیمور قوتلوق یارلیغی « مشایخ صوفی لاری غا » دییه ، توقنامش یارلیغی « شیخ مشایخلریکا » دییه ، سعادت کرای یارلیغی « مشایخ صوفی لاریکا » دییه ته یرایتدیگی حالده ، بزم یارلیغمز هپسنه طوپدن « وموالی ذوی الاحترام » ( محترم مولالار ) دیمکله اکتفا ایدیور .

وارباب و ملا تانه و مقامه ( دوغروسی « و ارباب و کالتان و مقامان » اولاجاق ) : بو عباره یی سید واحد افندی : « وکالت صاحبلیغینه و محللرده کی مأمورلره » دییه ترجمه ایدیور . لاکین « وکالت و مقام صاحبلیغینه » دییه ترجمه ایدلسه داها دوغری اولاجاق . اولاجاق أما ، فقط بوندن مقصدک نه اولدیغی ینه آکلاشیلما یاجاق . باشقه یارلیقلرده بو عباره نك مقابلی بولوق مشکلدلر . ایله ریسنه کچورم .

« رابلیجیانه » : ایلیچینک نه اولدیغی بللیدر . ایکی یوردک ، خلقک آراسنی ایلاه شدرمه یه یعنی باریشدرمایه واسطه اولان آدام دیمکدر . « ایلیچی » کلمه سی سعادت کرای یارلیغنده « یورور ، آشور ایلیچی ، یولاوچی لارغا » عباره سنده مذکوردر .

رباغیچیه : بولکله یی سید واحد افندی شوشکلده اوقویوب « باغچه جیلر » دییه آچيور . یارلیغک المده کی فوتوغرافنده بوسوز آچیقجه اوقونمادیغندن ، سید افندی اوقویوشنک دوغری اولوب - اولمادیغنی کسیدرهمیورم . بونک « باغشیان » اولماسی ده پک ممکندر . « باغشیان » اولورسه بیله ، بن بوندن مراد باغچه جیلر اولمادیغنی فکرنده میم . ظنمجه « باغشیان » کلمه سی باغ ، باغچه مأموری معناسنه کن « باغچی » نك دکل ، « باغشی » ( باقتی ) دن بوزولمش اولان « باغچی » نك جمعیدر . اسکی وثیقه و کتابلرده بولکله « بخشی » ، « بخشی » و « بقشی » طرز لرنده یازیلیدر . بوسوز ، از جمله کاتب معناسنه ده کلیر . « ترکستان

شاهلرینک کاتبلرینه دیرلر، که هیچ فارسی بیلیمه لر « [۱] . و . رادلوف «باقشی» ماده سنده بونک قومانجه ده کاتب معناسنده اولدیغنی یازیور [۲] . قریم خانلغنده ده «بخشی» نك کاتب معناسنده قوللانیلدیغنی اورا خانلرینک یارلیقلرندن آ کلاشیلور . از جمله سعادت کرای خان یارلیغنک صوکنده «غازی بخشی بتدیم» [۳] دنیلور، که بونک کاتب ویا سر کاتبدن باشقه برشی اولمادیغنی آشکاردر . قازان خانلغنده ده باقشی (کاتب) لرك بولوندیغنده شمه یوقدر . از جمله قارمزین تاریخنده قازانلی (بوزکا باقشی) ذکر ایدیلور [۴] ؛ «م. خوده قوف» قریم خانلغنی ایله مشابتهتی یی کوز اوکنده طوتاراق اولسه کرکدر که ، قازاندن اجنبی دولتره کوندیریلن ایلچی هیئتک علی العاده بر بک ، بر اوغلان و برده باقشی اولوق اوزره اوچ کشیدن تشکل ایتدیکنی و صوکنجینسک روسلرده کی «دیباک» وظیفه سنی کوردیکنی یازیور [۵] ؛ موسقوف دورینک «دیباک» ی ایسه سرکاتب دیمکدر . «باغچیان» کله سندن مراد اولان مأمورلرک باقشیلر اولدیغنی اونک «ایلجیان» کله سی یاننده ذکر ایدیله سی ده تأیید ایدیور . قریم خانلرینک موسقوف و پولونیا حکمدارلرینه یازدقاری یازیلرینده (یارلیقلرنده) ده «بخشی» ایلچیدن صوکر ا ذکر ایدیلور . جانبک کرای خانک لهستان قرالنه یازمش اولدیغنی یارلیغنده «الوغ ایلچیمز وهم الوغ بخشیمز نك بارچا آغزندن سویلا کان سوزلر- یز که اعتماد ایدوب...» دنیلدیکی کی، [۶] .. دولت کرایک ینه عینی یوردک قرالنه یازدیغنی یارلیغنده «اشبوبرغان اولوغ الحی هم الوغ بخشی وهم تیتمز که اعتماد قیلوب» دنیلور [۷] . «وکشی باناره» : فارسی کشتیان کله سنک جمعیدر ، که کیمجیلر دیمکدر . باشقا یارلیقلرده بوکله نك مقابلی تورکجه اولارق مذکوردر . تیمور قوتلوق یارلیغنده «کمیچی کوپروکی لرکا» دنیلدیکی کی [۸] ، سعادت کرای یارلیغنده ده «کمیچی کوپورچی لاریکا»

[۱] اللغات النوائیه والاستشارات الجغتائیه، پترسبورغ ۱۸۶۸، ویلیامینوف - زه زنوف نشری

[۲] تورك لهجه لری لغتی تجربه سی ، پترسبورغ .

[۳] بتدیم - یازدم دیمکدر .

[۴] روسیه دولتی تاریخی ، ۷ نجی جلدده طائد حاشیه لر، رقم ۱۸۱ صحیفه ۳۱ .

[۵] قازان تاریخنه طائد طاسلاقلر ، صحیفه ۲۰۲ .

[۶] قریمده داثر یازولار ، پترسبورغ ۱۸۶۴ ، صحیفه ۲۷ .

[۷] ینه اوراده ، صحیفه ۳۳ .

[۸] مرحوم ابراهیم خلفه اوغلی ده Fundgruben des Orients مجموعه سنده کی ایضاحلرنده

«کمیچی» کله سنی «کشتی بان» سوزی ایله ایضاح ایدیور .

دنیلیور . کمیچی معناسنه کان سوز روسجهیه ترجمه ایدیلن آلتون اوردن یارلیقلرنده موجوددر (مثلاً برنجی یارلیقده) [۱] . کمیچیلردن مراد ، مملکتک صو یولارینک باش مأمورلی اولدیغنی «ا . بهرزه زین» تخمین ایدیور [۲] . م . خوده قوفک «کشتیانان» ی تارلاردن ویرکو طوپلایان مأمورلر دییه تعریف اتمه سی [۳] بوسبوتون یاکلیشدر .

«کنزبانان» : سید واحد افندی بوکله بی «سوقاق مأمورلی» دییه ترجمه ایدیور . بر فارسی لغتده «کنزبان» سوزی «کمیچی» کیدلرده ویرکو طوپلایان مأمور» دییه تعریف ایدیور . نه آلتون اورداده ونه ده اوندن آریلوب تشکل ایدن اوردالرده «سوقاق مأموری» عنوانلی بر مأمورک بولوندیغنی تاریخی وثیقلردن آکلاشیلما دیغندن، بن سید افندینک ایضاحنی دوغری بولامیورم . «م . خوده قوف» ده سید افندینک آکلایشنه تبعاً «کنزبانان» دن مراد پولیس مأمورلی اولدیغنی یازیور [۴] . یوقاریده باشقا یارلیقلرده «کمیچی» دن سوکرا کوپروجی نک ذکر ایدلایکنی کوردک (تیمور قوتلوق وسعادت کرای یارلیقلری) . بزم یارلیقمزده ایسه «کمیچیلر» معناسنه کان «کشتیانان» کله سندن سوکرا «کنزبانان» سوزی یازیور . کوپرو برنوع کنزکاه (کچله جک بر) اولدیغندن، بوراده «کنزبانان» دن مراد مطلقاً «کوپروجیلر» ، کوپرو مأمورلی اولاجقدر . یارلیقی یازان باقشی ، «کوپروجی» بی «کنزبان» ه چه ویرمکه بویوک خطایه دوشمه . شد . زیرا تصویری مقصد ایله اولسه ده کوپروه «کنزکاه» اطلاق اولونمسه سی متعارفدر . مثلاً «صوفی الله یار» «ثبات العاجزین» نده :

جهنم اوزره بر کوپروک ایرور ، آه  
اوشال کوپروک صراط آتلیغ کنزکاه

دیور .

ونونقارلامه : توتقاولک فارسیجه جمعیدر . بو کله نک متعدد معناری اولماقده برابر بوراده مراد اولان معناسی «حدود محافظلری ، معین محللرده کان کیده نلری طوتان ، تفتیش ایدن بکچیلر» در . «ربغوزی» ، قصص الانبیاسنده : «چان مصرغه تی لار ایرسه ،

[۱] و . غریغوریهف : روسیا و آسیا مجموعه سی .

[۲] تارخانلیق یارلیقلری .

[۳] عینی اثر ، صحیفه ۲۰۳ .

[۴] عینی اثر ، صحیفه ۲۰۳ .



توتقاول لار یوسف عهغه خبر قیلدی لار» دنیلور [۱]. تیمور قوتلوق وتوقتامش یارلیقلرنده «بوکاول توتقاول لاریغا» ، سعادت کرای یارلیغنده ایسه ، «قراول توتقاول لاریکا» عبارلری موجوددر .

وتمغامبانه : «تمغاجی» نك فارسجه جمعیدر. «تامغا» سوزینك ایکی معناسی واردر. بری نشان و علامت . کله بو معناسیله برتون تورک قوملرنده زمانمزه قادار قالايلمشدر . جنوب تورکجه سنده زبازدی «دامغا» در . اسسکی زمانلرده تورکرده هر قبیله نك کنديته خاص بر تامغناسی اولوردی . بوکون فرانسرجه «آرما» کلهسی بدلنه تورکجه «تامغا» کلهسی قبول اولونورسه نه قادار اصابت ایدلمش اولوردی ! تمغانك دیگر معناسی ده تجاردن، یولچیلردن آلینان کومروک رسمی و ویرکودر . بارنامه ده بویله یازیلیدر : «بورونراق نیت قیلیب ایدیم کیم رانا سنکا کافرغه ظفر تابسام تمغانی مسلمانلرغه باغشلائی . توبه اثناسیده درویش محمد ساربان بیله شیخ زین تمغا بخششی یاد بیردیلمر . دیدیم کیم بخششی یاد بیردینکمز، ایلیکمزده کی ولایت لاردا مسلمان لارینك تمغاسی بخشش بولدی» [۲] . بوراده کی «تمغا» سوزلریله البت ، نشان و علامت دکل ، «برنوع ویرکو» ، کومروک رسمی» افاده ایدیلیور . عینی اثرده فرسجه اولاراق «فرمان صادرشد، که درهیچ شهر وبلد وراه وکذر و عمر و بندر تمغانکیرنند ونستانند» [۳] دنیلیرکنده ، ویرکو و کومروک کوز اوکنده طوتولدینی آشکاردر . تیمور قوتلوق یارلیغنده کی «بورلاتمغاسی» عبارهنده مذکور «تمغا» کله سنك مفادی ده ، شهبه سز ، ویرکودر که ، باغ ویرکوسی دیمکدر [۴] . تورکجه اولان «تامغا» سوزی یالکمز فرسجه یه کچمکه قالمایوب ، حتی روسجه «تاموژنه» کله سننده ده ایزینی براقشدرکه ، بوکون «کومروک ادارهسی» معناسنده قوللانیلان بوکله نك روسجه یه اویدوراراق تامغا کله سنندن یاپیلان اسم مکان اولدیغنده شهبه یوقدر . «تاموژنه» ، تامغا باصیلاجاق یاخود تامغا (کومروک رسمی) آلیناجاق محل دیمکدر . روس دیلنده nia لاحقه سیله یاپیلان اسم مکانلر اکسیك دکدر . یوقاریده مذکور اوچ یارلیغک اوچینده ده «تمغاجی ترتتاقچی لریغا» عبارهنسی یازیلیدر .

[۱] قازان ، ۱۸۹۹ سنهسی طبعی ، صحیفه ۱۷۶ .

[۲] بارنامه : صحیفه ۴۰۶ ، قازان ۱۸۵۶ طبعی .

[۳] ینه اوراده ، صحیفه ۴۰۷ .

[۴] و . رادولوفک ایضاحی (روس عتیقیات جمعیتنك شرق قسمنك یازیلری ، جلد ۳ ، سنه ۱۸۸۸) .

« بزداغی سیورغاب » ( بزدخی سیورغاب): سیورغاق، «انعام، احسان ایتمک» دیمکدر. « سیورغال » انعام، احسان و آریجه امتیازلره مظهر اولمش آدم. «بزنگ خان آغالاری من سویورغاب، ترخان قیلغان»، «محمد بیزنگ سیورغال بولوب، ترخان بولوب تورسون دیدیمیز» ( تیمور قوتلوق یارلیغی). « بساپس بیک حاجی بولای سیورغاقیم تیب (توقنامش یارلیغی). «بو اوچیسى بزکا توفنگچی اولدینی سبب دان سیورغال بولوب، آزاد، ترخان تیدیک» ( سعادت کرای یارلیغی ).

«کشی لارینه وقرالارینه»: «کشیرلی» اوشاق، خدمتچی و تبعه لری دیمکدر. بو کون شمال تورکجه سنده «کشیرلی» حالا بومعنادهده قوللانیلیر؛ جنوب تورکجه سنده «آداملری» سوزینک عینی معناده قوللانیلدینی کبی. «قرالری» (قارلری)، حیوان، مواشی و طاوارلری دیمکدر. چغتایچیده «قرا» سوزینک بو معناده قوللانیماسی پک شایعدر. «سانسز حمد و ثنلار ایذی عز و جل غه کیم بیزلارنی آدم یراتی تقی قرا یاراتمادی» (قصص الانبیاء ربغوزی کتانبک ابتدا سنده)؛ «ایکنجی ییل ییلقی قرالرنی ساتی لار» (عینی کتاب، صحیفه ۱۶۲)؛ «طوار قرالین اولاق طوتماسونلر» (تیمور قوتلوق یارلیغی)؛ «تاتار طوارچی سی غاوطوار قاره غه ضرروزیان قیلور بولسالار» (غازی کرای خانک لیتوانیا دوقی سیکز مونده یازدیغی مکتوبی) [۱]. قیرغیزلرده «قرا» کله سی حالا بومعناده دخی قوللانیمقدهدر. «فلانک اوچ تورت قاراسی بار» دنیلورکه، اونک شو قادار حیوانی وار دیمکدر.

«ومبارالارینه»: بو، یارلیقده کی الکمر اقلی کله لرک بریدر. «ع. عزیزه» بک بونی سائر یارلیقلرده تصادف اولونمایان غریب کله لر صیراسنده ذکر ایدیور [۲]. سید واحد افندی «قرالری» سوزینی، خطا اولارق، «یرلری» (یعنی طوپراقلری) دییه ایضاح ایدهرک، «چاروالری» کله سنی «حیوانلری» دییه ایضاح ایدیور. حالبوکه «قرالری» ندن مراد حیوانلر اولدینی اثبات ایدیلنجه، «چاروالری» سوزینی او معنایه حمل ایتمه یه یول قالمیور. بو حالده «چاروا» دن مرادنه اولاجاق عییا؟ فکر مجه، بو کله، «اونی «چاروا» طرزنده او قومق قابل دکلسه بیله) بو کون «قازاق-قیرغیز» لهجه سنده قوللانیلان و بعضاً «شاروا» تلفظ ایدیلن «چاروا» کله سنک بوزماسی اولاجاقدیر. بوسوز برفردک یا خود جمعیتک (باخصوص حیوان به سله یچی و اکینجی

[۱] قریغه دائر یازولار .

[۲] تاتار ادبیاتی تاریخی، برنجی جلد، ایکنجی بولک، صحیفه ۷۴ .

خلىقك) بوتون اقتصادى حياتىك قورولوشنى افاده ايدر. آلمانجهده بوسوزك مقابلى Wirtschaft كله سيدر. بىر « روسجه - قيرغيزجه » لغت كىتابى روسجه «خوزىستوو» كله سنى « چاروا » كله سىپه آكلاتوب پك اصابت ايتشدر .

« خوزىستوو » ايسه طبقى Wirtschaft كله سنك افاده ايتدىكى معنايه دلالت ايدر . بوراده « چاروا » سوزىنىك بولونماسى، يارلىغى يازان يا خود يازدىر انك بلاغىنى كوسته رىوز . زىراء تارخان وسيورغال ايديله نلرك ملكىنده بولونوب آل دكدير يله سى جائز اولمايان ك مهم شىلىرى صايدقدن صوكراء، برده بونلرك هپسنى شامل اولان بر كله نك قوللانيلماسى مدطايى داهاز ياده تا كيد و تقويه ايدر .

فرد من لافات ( من الآفات اولاجاق ) : بونى بويله جه ، يعنى اولديغى كى او قورسه ق، پك معناسى برسوز اولاجا قدر. سيد واحد افندى بوسوزى «هيچ كيم» ديه ترجمه ايدىور و كچيور . « فرد » كله سنده هيچ كيم ( كيمسه ) معناسى آكديران اينجه بى فرق وارسه ده ، « الآفات » ( الآفات ) كله سنى نه ياباجاغىز؟ يارلىغى كاشقى بوندىن هيچ بحث ايتيور. ايلك او كجه شونى قيد ايدىلم ، كه بويارلىقده عربجه كله لىر فوق العاده مرهمتىزجه تحريف ايدىلشدر . بوزولمش عربى سوزلرك جدولنى عرض ايدىلم :

|              |                |
|--------------|----------------|
| يا كلبسى     | دوغرىسى        |
| وامرا        | وامرا          |
| وسدات        | وسادات         |
| ذوبلا احترام | ذوى الاحترام   |
| وكلاتان      | وكالاتان       |
| ومقمان       | ومقمان         |
| حمت          | حمت            |
| عن يلا فات   | عن الآفات      |
| داخل         | دخل            |
| وتقارض       | تعارض ( تعرض ) |
| قراجات       | خرجات          |
| وامالك       | وامالك         |
| موبارك       | مبارك          |

ورواج  
ومشارالیم  
سفر

ورواج [۱]  
ومشارالیم [۲]  
صفر

کورولیور ، که بونلرک ایچنده غایت فاحش غلطلردن واردر . هله « الماک » کلهسی فی الواقع « املاک » یرنده قوللانیمش اینسه ( که اویله اولماسی پک قوتلی براحمالدر ، زیرا « مال » کلهسی یاننه قونیلمشدر ) بوتمامیله عوامک « مملکت » ی « مهمله کت » ، « کبریت » ی « کبریت » « مریم » ی « مه یرم » تلفظ ایتمه سنه بکیزر . شو خطا صواب جدولندن آچیقجه کورونیورکه ، بویارلینی یازانک عربجهسی « آغزندن قایما » در . عربجهسی « املاک » ی « الماک » قلب ایدرجه سنه « آغزندن قایما » اولان برمنشینک « من الافراد » ی « من الآفات » ( اونیده من یلافات شکلنده یازارق ) قلب ایتمهسی مستبعد صایلابیلیمی؟ بنجه هیچ مستبعد دکدر . « را » سی آچیقجه تلفظ ایدیله ی « افراد » کلهسی « آفات » کلهسنه نه قادار بکزیور! دیمک اولویور ، که بوراده « فرد من یلافات » سوزی « فرد من الافراد » سوزی یرینه قوللانیمشدر ، که شو صوکنجی تعبیر حقیقه « هیچ کیم » ( کیمسه ) معناسنده در .

« یساق قیلار سالینغ مسمی الماسونلار » : تیمور قوتلوق یارلیغنده « قلان مساسالینغ ، بورچ ، خرچ آلماسونلار » عبارهسی ، سعادت کرای یارلیغنده « یساق قلان تیب تیلاماسون ، آلماسونلار » عبارهسی موجوددر . برنجی عباره یی و . رادلوف « قلان تسمیه ایدیلن طوپراق ویرکوسی ، ویرکو ( سالینغ ) و مصارف » دییه ایضاح ایدرک « قلان » تعبیری اوچ نوع ویرکینک هپسنه تعمیم ایدیور [۳] . ا . بهره زینه کوره « قلان » هم طوپراق ویرکوسی هم عادی ویرکومعناسنه کلرو آذربجان شیوه سننده « قلان » تلفظ اولونورمش [۴] . کرک « بهره زین » ک ، کرک « ل . بوداغوف » ک دیدیکنه کوره قازان لهجه سنده « قیلا » و « قوللا » کله لری « طوپراق ویرکوسی » معناسنه کلیرمش [۵] .

[۱] سید واحد افندی بو کله یی جیم ایله او قویور . واقما « حا » نک آلتنده نقطه مسی بر شی کوزوکیورسه ده ، بو آنجاق « سهوناسخ » اولاجاق . زیرا « غدو » ک مقابلی « رواج » در ، که بورایه « رواج » کله سنک قونیلماسی هیچ بر طریقه توجیه ایدیله من .

[۲] بونی سید افندی « ومشارالیم » او قویورسه ده ، بن « مشارالیم » طرزنده او قومقده قابلدن ظننده یم .

[۳] روس عتیقات جمعیتک شرق قسمتک یازیلری ، جلد ۳ ، صحیفه ۳۵ .

[۴] تار خانلق یارلیقلری ، صحیفه ۴۰ .

[۵] ینه اوراده و بوداغوفک « مقایسه لی لغتی » نده

فی الواقع « قیلا » کله سنک طوپراق و صوکر اسنک بدلی معناسنه اولاراق بوکونده بعضی باشقرد اویماقلرنده قوللانیمقده اولدیغنی اوکره ندیم .

« قولوسه، قلیقه، اج » : سعادت کرای یارلیغنده « قولشی قولتقاسی » عبارسی موجود اولدیغنی کی ، « قولتقه ، قولقا ، قولغا ، قولقا » کله لری عینی معنایه دلالت ایتک اوزره قریم خانلغنه عاڈ سائر تاریخی وثیقه لردده واردر [۱] . دیمک اولویورکه ، بوکله ره شیمدیلک آنحاق قریم تاریخی وثیقه لرنده تصادف ایدیلشدر و بوکونه قادر معناییده کیمسه حقیه آکلایامشدر . « بهرزه زین » سعادت کرای یارلیغنده کی « قولشی » کله سی حقنده « احتمال ، کوله ، اوشاق معناسنده اولان « قولچی » دن بوزولمشدر « دیورسه ده [۲] ، کرک بو سوزک بزم یارلیغنده « قولوش » شکلنده یازماسی ، کرک کله نک هر ایکی یارلیقه ویرکیلی افاده ایدن کله لر صیراسنده بولونماسی ، کاظم بیک شاگردینک بوفرضیه سنی جرح ایتکده در . ینه عینی تبعجی « قولتقا » سوزینک اسیر ، کوله معناسنده اولدیغنی ادعا ایدیورسه ده [۳] ، البت یا کایشدر . برکه او ، « قولتقا » نک تورکجه ده اسیر ، کوله معناسنه کلدیکنی هیچ بر شاهد ، مثال ایله تأیید ایتیمور . ینه « قولتقا » نک جانلی ( ذی روح ) بر نسنه اولمایوب آشاغیدن یوقاری به ویریلن برنوع هدیه ، آرمغان یا خود ویرکو اولدیغنی قریم خانلرینک مکتوبلرندن آچیقه آ کلاشیلیمور : « خزینه دن باشقه قولتقانی هم بیرکایسز » [۴] ؛ « ایکی الوغ خزینه نی و هم قولتقه نقراطنی بر یردن تیلک ایدوب ، اولوغ چاقومز عثمان بکنی کون ایلکاری بیاردیم » [۵] ؛ « بش مینک آلتون قولغادیب جبرکای وتن قازاقلرین تن دن چغارغای سز » [۶] ؛ « نیچاقلی خزینه ونیچاقلی قولتقایارسکنز ، شوچاقلی نیارسه بیاردک دیب بلدرکایسز » [۷] . قرایم علماسندن ثریا

[۱] مذکور « قریمغه دائر یازولار » مجموعه سنده بوکله شو دورت تورلو شکلده یتش آلتی دفعه ذکر ایدلشدر .

[۲] تاریخانلیق یارلیقاری ، صحیفه ۵۳ .

[۳] ینه اوراده .

[۴] قریمغا دائر یازولر ، صحیفه ۴۰ .

[۵] ینه اوراده ، صحیفه ۳۷ .

[۶] ینه اوراده ، صحیفه ۶۲ .

[۷] ینه اوراده ، صحیفه ۸۰ .

شاپشال افندینک بکا شفاها سوبله دیکنه کوره ، « قولتقه » کلهسی ، هدیه ، تقدمه معناسنده اولوق اوزره ، میلادی اونبرنجی عصرده ترجمه اولومش تورکجه توراندهده مذکورمش . م . خوده قوف « باج » ی قولوش ، قولتقا کی ، ماهیتی بللی اولمایان ویرکیلر جمله سندن عد ایدیور . حالبوکه « باج » کومروک رسمی معناسنه کن فارسی کلهدر . اسکی بوخارا و خیوه خانلقلرنده باجگیر ، باجدار ، باجمان عنوانلری کومروک رسمی ( باج ) طولایان مأمورلرک عنوانی ایدی . باج کلهسی عینی معنا ایله قیرغیزلره بیله معلومدر . سید واحد افندی « باج » ی کومروک رسمی دییه دوغرو ترجمه ایتشد .

« آب زمین لرینه » : سید واحد افندی بو عبارتده کی « آق » کلهسی « آچه » دییه ایضاح ایدیور . واقعا ، جنوب تورکجه سنده « آق آچه » تعبیری موجود اولوب ، حتی « آق آچه قارا کون ایچوندر » مثلثی دخی قوللانلیورسهده ، ساده « آق » کلهسنک « آچه ، پارا » معناسنده قوللانلماسی هیچ بر تورک لهجه سنده یوقدر دیورسه ق خطایه دوشمه یز ظننده ییم . یارلیقده ذخیره معناسنه کن « سوسون » کلهسی اولمایه ایدی ، بن بو « آق » کلهسنی مطلقا « سوت وسوتدن یایلان شیر » دییه ایضاح ایدردم ؛ زیرا « آق » بو معناده بزچوق تورک قبیله لرنده از جمله باشقیردلر و قیرغیزلردهده قوللانلیور . « آب زمین لرینه » تعبیری ، تیمور قوتلوق یارلیغنده کی « یرسولاریکا » تعبیرینک فرسجه سیدر .

« صلہ ضربی ، ی ضربسی نونونه سانی » : تیمور قوتلوق یارلیغنده « ایندی رنجی سلاسی بله مشهور بولغان قلاسی دین » دینان سوز وار . رادلوف دیورکه : « سالا ، غربی تورک لهجه لرنده پک فضله قوللانیلان برکلهدر و معناسی ده کوی و مسکون یدر . ایدیل بوینده « سالا » کوی معناسنده اولارق ، شهر معناسنده ارلان « قالا » یه مقابل قوللانیلیر . بو معنایه کن « سالا » سوزی لیتوانیا قرایملرینه ده معلومدر . قریمده شیمدی و کله پی بیلیمورلرسهده ، اوراده کی « فوتصالا » ، « اولوصالا » ، « یاکاصالا » کی [۱] کوی اسملری کویسته ریورکه ، « صالا » کلهسی وقتیه اورادهده قوللانلمشدر . بکا قالیرسه ، روسلرک قومشولغنده قونوب کوچن قومائلر ، روسجه صولو « celo » سوزینی بر ته کنیک اصطلاح اولازاق « صالا » شکنده قبول ایتشدردر [۲] . ایشه بوفرضیه یی ایله ری سورهرهک ، او ،

[۱] روس عتیقات جمعیتک شرق قسمتک یازلری ، جلد ۳ ، صیفه ۳۱ .

[۲] برده بونلره اسکی یا نخت باغچه سرا یک واروشی قیلندن اولان « صالاجق » یه ده علاوه ایدم .

« تیمور قوتلوق » یارلیغنده بولونان ، کرک مذکور عبارده کی و کرک « باسا سالالاریغا » عبارده سنده کی « سالا » کلمه سنی « کوی » معناسنده تلقی ایدیور. « صالا » نک کوی معناسنده اولدیغی قبول ایدیور سه قده ، اونک روسیجه « celo » سوزندن آلماسی فکریته اشتراک ایدمه یز. « سالا » نک روسیجه « صولو » یه لفظاً و معنأ مشابهتی ، اونک بهریکندن بوزولوش اولماسی استلزام ایتمز. شهر ، استحکام معناسنه اولان « قالا » کلمه سی « قالمق » (طوپلایوب بریکدیرمک ، برنی دیکرینک اوزرینه قومق) مصدرندن کلشسه ، کوی معناسنده اولان « صالا » کلمه سنک « صالمق » ( قورمق ، تأسیس ایتمک ) مصدرندن آلماسی نهدن استبعاد ایدیلسون ؟ قناعتیجه ، کوی معناسنده قوللانیلان « صالا » خالص تورکجه کلمه در ؛ « قالا » عربجه « قلعه » نک بوزماسی اولمادیغی کبی ، « صالا » ده اصلا روسیجه Celو نک بوزماسی دکلدیر. بولکله نک وقتیه قریمده ده قوللانیلدیغی « رادلوف » ک کتیردیگی دلیلدن باشقه دیکر بر دلیل ده اثبات ایدیور . اوده ، بولکله نک ، شهر معناسنه دلالت ایدن « کرمان » سوزینه مقابل اولارق ، قریم خانلرینک مکتوب ( یارلیق ) لرنده قوللانیلما سیدر. محمد کرای خان « شرطنامه » سنده « تقی بولاردن باشقا کرمانلار نکیز ، سالالار نکیزکا » دنلیور که [۱] ، « سائر شهرلر کز و کویلر کزه یا خود قصبه لر کزه » دیمکدر . شاپشال افندینک دیدیکنه کوره ، « صالا » کلمه سی « قالانک » مقابلی اولارق ، مذکور تورات ترجمه سنده مکرر آیدایدیلدیور مش . اونک فکریته کوره ، « صالا » خالص تورکجه سوز اولما قله . برابر ، شهرک قله طیشاریسنده بولونان قسمی یعنی « واروش » معناسنده در . باغچه سرا یک « صلاحق » ی اشته بوندن آلمشدر . ایمدی بزم یارلیغمزده بولونان « صاله » سوزی ده البت « صالا » ( کوی معناسنده ) دن باشقا بر شی دکلدیر . « صله خرجی » کوی مصارفی ، یعنی شو عنوان ایله معروف بر نوع ویرکو دیمکدر .

سید واحد افندی بونی « اول صالمی » ( کوی ویرکیسی ) دییه ایضاح ایدرکن ، تماماً اصابت ایتمشدر .

« رضه سی » عبارده سنده کی « خبله » ( خه به له او قونور ) کلمه سی ، تیمور قوتلوق یارلیغنده کی « قباله » ( قه به له او قونور ) نک بوزماسندن باشقه بر شی دکلدیر . و . رادلوف « قباله » یی « تعهد » دییه ایضاح ایدیور ؛ « ل . بوداغوف » ایسه ، « آلیم - صاتم سندی » دییه تعریف

[۱] قریمغه دائر یازولار ، صحیفه ۴ .

ایدیور. بوسوز، آذربایجانده «طاپوسندی» معناسیله حالاده قولانیلمقدهدر. «یر» کلهسی طوراق معناسنده اولدیغندن، بو عبارهك معناسی، «طوپراق آلوب ساتارکن یاپیلاجق» مقاله اثناسنده بو تاریخلردن هیچ رسوم آلتاسون «دیمک اولویور. روسجده بر kabaIa کلهسی واردرکه، بورجلو آدامی مؤقتاً یاخود مؤبدآ کوله مقامنده طوتق دیمکدر. برده بو کلهدن آلتش اولان kabalnaai sapis تمیری موجوددر. بو ایسه، «قابالا» یعنی «قولوق مقالهنامهسی» دیمکدر. روسلر بو کلهدن فعللرده اشتقاق ایتدیرمشلردر. ش. سامی بك «قاموس ترکی» ده «قباله» مادهسنده ازجهنه «موسویلرک کندی جماعتلرینه عائد اولوق اوزره اتکی بعضی مستهلکاتدن ویردکلی رسوم «دیورسهده، استانبول دارالفنونی مدرسلردن آورام غالاتی افندیك بکا شفاهاً بیان ایتدیکنه کوره، بو نوع جماعت ویرکوسی معناسنه کان کله «قباله» دکل، غبله (gabela) در. هر حالده «قباله»، «kabala» غبله کلهلری بربرینه بك یاقین معناره دلالت ایدن ولفظاً تشابه ایدن کلهلردر. «قباله» سوزینک، املاسی عربجهله شدیریلماسه رغماً، عرب کلهسی اولماسنده بن اشتباه ایدیوروم. غالاتی افندیك دیدیکنه کوره «غباله» کلهسی ده عبرانی برکله دککش.

توتوره سامی عبارهسنده کی «توتون: دومان»، «سان» ایسه «عدد، صانی» دیمکدر. «توتون سانی» ندن مراد، تونلوك یاخود باجاسندن دومان چیقان (مسکون اولان) خانه صایسندن آلتان ویرکودر.

«سوسونه رعلوفه تیلماسونلار»: تیمور قوتلوق یارلیغنده عیناً بزم یارلیغمزده کی عباره، توقتامش یارلیغنده «اولاغ سوسون تیلماسونلار» دییه، سعادت کرای یارلیغنده «سوسون علوفه یماسونلار» دییه یازیلیدر. سوسون (صوسون) کلهسی حقنده «و. رادولوف» «ایچیلیرشی معناسنده ایسهده، عموماً یورغون یولجی یه تقدیم اولونا جاق یمک وایچیمهده اطلاق اولونور» دییور [۱]. «صوسون» انسان آزیغی، ذخیره معناسنده اولورسه، علوفهده (عربجه) حیوان آزیغی، یه دیمک اولویور.

«کوج، بسیج، زحمت، یجوغ، تیکورماسونلار»: ایلهریده سیدواحدافندی «بسیج» برینه «سیج» دییه او قومشدر. «ا. بهره زین»، سعادت کرای یارلیغنده کی «تقی کوج، بسیج، یجوغ، زحمت تیکورماسونلار» عبارهسنده بولونان «بسیج» ک «باصمق» فعلندن

[۱] روس عتیقیات جمعیتک شرق قسمتک یازیلری، جلد ۳، صیفه ۲۵.



اشتقاق ایتدیکنی و «تضیق» صیقیشدیرما» معناسنده اولدیغنی یازیور [۱]. سید واحد افندی ده بوسوزی قازان تورکجه سیله «قسنقیلق : تضیق» دییه ایضاح ایدیور و «سیچ» دییه او قودینی کله یه ده عینی معنای ویریور. بهره زینک اشتقاقی وهرایکی تتبعجینک ایضاحی درستدر، فقط کله لری او قویشلاری خطالیدر. ویلیامینوف - زه رنوف وحسین افندی فیضخان، قریم خانلرینک مکتوبلرند بولونان بو کله یی نون ایله «بسینج» طرزنده او قویورلر. «بازارکان باریشوب کیلش-کای، کوچ بسینج کورما کایلار»، «بارچا بزکا - سانلوکشی لاریمزدن کوچ بسینج قیلیب ماللارن آلسالار»، «ملا کاتینکیزده کوچ بسینج بولسا، سیزده بر اکسو کوز تولا کایسنز» [۲]. اصل درستی بویله جه نون ایله او قومقدر. «باصینج» سوزی «تضیق و صیقیشدیرمه» معناسنده اولارق، قریمک بعض محللرند حالاده قوللانیلمقده در؛ فقط اکثریا «باصینج» سوزی ایله برلکده استعمال ایدیلر، یعنی «باصینج باصینج» دنیلیورمش. بزم یارلیغمزده بوسوزی «بسینج» او قومق پک قابلدر. یارلیقده ایکی دفعه مذکور بو کله نک برنجیسنده آلت طرفده بانک برنقطه سی، «سین» ک آلت طرفنه اوزمان موداسنه تبعاً قونیلان اوچ نقطه، «چیم» ک اوچ نقطه سی آچیقه جه کوزوکیور. بوندن ماعدا یوقاری طرفده «چیم» دن مقدم بردیش واردر، که بونی نون نقطه سنک مرکزی اولارق تلتی ایتمه مزه هیچ برمانع یوقدر. نونک نقطه سی ساده جه ذهول یوزندن یا خود قرینه دن آن کلاشیلاجاق دییه قونیلما مشدر. نته کیم عینی کله ایکنجی دفعه تکرار ایدیلرکن، نه آلت طرفدن ونه اوست طرفدن هیچ برنقطه قونیلما یه لزوم کورولمه مشدر. خلاصه، یارلیقده کی بو کله هرایکی یرده «بسینج» او قومالیدر. سیدافندی نیک ایکنجی دفعه بوسوزی «سیچ» دییه او قوماسی، ع. عزیزبکک بوسوزی «سیچ»، سیچ دییه او قومق پک ممکندر، دییه سی ایسه [۳] یالکیز دقتسنزک اثری صایلمالیدر. «نیچوغ» کله سی «نیچوغ» شکلنده سعادت کرای یارلیغنده مذکور اولدیغنی کبی، توقتامش یارلیغنده «یونچوغ» شکلنده یازیلیدر [۴]. بونک فعلی «یونچومق» «یونچومتق» اولدیغندن، شوصوکنجی یازیلش داها دوغریدر. بوفعللر باشقرد شیوه سنده

[۱] تاریخلیق یارلیقتری، صحیفه ۵۴.

[۲] محمد کرای خان شرطنامه سی : قریمغه دائر یازولار، صحیفه ۴.

[۳] تاتار ادبیاتی تاریخی، برنجی جلد، ایکنجی بولک.

[۴] ا. بهره زین، تاریخلیق یارلیقتری، صحیفه ۱۴.

قالین تلفظ ایدیلیورلر سده، و. رادلوفک ضبط اییشینه کوره، «طوبول تورکاری» شیوه سنده ایجه تلفظ ایدیلیورمش [۱]. یونچوتمق، یونچوتمک «ایخیتمک، اذیت و یرمک، تعجیز و تعذیب ایتمک» معنالیینه کلیر. «یونچوغ، یونچوغ، یونچوغ، یونچوغ» کلهلری ایسه، خان یارلیقلرنده «ایخیتمه، تعذیب و تعجیز ایتمه» معناسنه فعلدن یاپلمش اسم اولارق قوللانیلمش ایسه ده، و. رادلوف «یونچوغ» ک قیصالمش شکللی اولان «یونچی» کله سنی صفت اولوق اوزره، «ضعیف، یورغون» دییه تعریف ایدیور [۲]. «دیوان لغات الترک» دهده «یونچوغ» سوزی صفت اولارق قید ایدیلمشده و معناسی ده ضعیف دییه آ کلاتیلمشدر [۳].

### یارلیفک شرحلیر کوره رسمیه سی

(السلطان) الغازی صاحب کرای (سوزم):

بیکره، داروغالره، بویوک سیدلره، اسلام قاضیلرینه، محترم دین رجالنه، وکالت و مقام اربابنه، ایلیجیلر و باقشیلره (بتیکه جیلره)، کوپرو جیلره، توقاولاره، تامغا جیلره، قازان یوردینک آفتلر و بلالردن محفوظ اولماسنی ایسته دیکمز عموم اولمکه و ولایتلرنده یاشایان اهالییه بوفرمان ایریشدکده سوزم شودر: بو محمد اوغلی شیخ احمدینه شیخ احمدک اوغلی ابدالینه سید احمد، اونک کوچوک قارداشی [۴] محمدک اوغلی موسی، سید اوغلی یعقوب، اونک کوچوک قارداشی بولانسینه کوچوک قارداشی نور سید، اشته شویدی کیشی بزه کله رک باش اوردیله که، اونلر بوندن مقدم خان آغالرمزدن تارخانلیق آلمش ذاتلر ایملر. بزده شی شو مد کور کیمسه لری تکرری تعالی نک رضا وینه محمد رسول اللهک شفاعتی ایچون تارخان قیلدق. بوندن بویله مو ما الهم لک یوللرنده، ایزلرنده، سفرلرنده و اقامتلرنده، اوتوردقلرنده و قالقدقلرنده اونلرک آداملرینه (اوشاق و خدمت جیلرینه) حیوان - طاوارلرینه، یوک (حموله) لرینه و عموماً اقتصادی حیاتلرینه هیچ برفرد هر هانکی بر طرفله مداخله و تعرض قیلما سونلر! ویرکو (باساق)، قالان تسمیه ایدیلمن سالیق (ویرکو) قولوش، قولتقا دنیلن هدیه و تقدملر، کومروک رسمی و مصارف ایسته مه سونلر!

[۱] تورك لهجه لری لغتی تجربه سی، ۳ نجی جلد، «یونچی»، «یونچیمک» ماده لری

[۲] ینه اوراده.

[۳] یونچوغ ایش، یونچوغ آر ماده لرینه باق (جلد III، صیفه ۳۱).

[۴] «انی، اینی» شرق تورکجه سنده «کوچوک قاردهش» دیمکرکه مقابلی «آغا. آقا» در.

مال واملاكلرينه ، سوت محصولاتنه ، طوپراق وصولينه آل اوزاتماسونلر ! ئەولرينه زورله ايلچى ومسافر قونديرماسونلر ! كوى مصارفى ، طوپراق طاپوبى ، توتون (خانه) حسابى ديهرك هيچ برشى آلماسونلر ! ذخيره ، يه م ايسته مه سونلر ! اونلره هيچ برجهتدن زيان و ضرر طوقوندوزماسونلر ! اونلر فراغت واستراحتله ياشايوب ، صباح و آقشام ، كيجه وكوندوز بزه و بزم نسلمزه دعا و آلقيش قيلسونلر ! اونلره هيچ برتورلو زور ، تضيق ، زحمت و جبر ياپيلماسون ! ايمدى بويله دنيله يكنه باقمسزىن يارليغه قولاق و يرمه يوب اونلره زور ، تضيق ، زحمت و جبر ياپان آداملرك كنديلرينه هيچ ايبلك اولورمى ؟ (البت اولماز) ديهرك آل نشانلى (مهرلى) يارلىق و يرلدى .

تارىخ ، دوقوز يوز يكرمى دوقوز سنه سى مبارك صفر آينك اون اوچنچى كونى ايدى .